

名譽主編・季羨林

中國少數民族古籍集成 (漢文版)

四川民族出版社

名譽主編・季羨林

主編・徐麗華

中國少數民族古籍集成 (漢文版)

《第十八冊》

四川民族出版社

本冊目錄

晉至元民族王朝・遼金元史

遼金元守令錄

〇〇三

遼金元宮秘史

〇二四

補遼金元藝文志

〇五七

西遼紀事初次稿本

〇八六

金源劄記

〇九四

金源紀事詩

一二八

金詩選

二六八

松漠紀聞

三四〇

西夏書事

三六三

王守令

遼金元守令錄

遼金元守令錄目次

上卷

遼

太宗

高

晉至元民族王朝・遼金元史

部

元

塔

董

張

張

晋至元另剌王暉·嶽金元史

王泮纂

遼金元守令錄

遼金元守令錄目次

上卷

遼

太公鼎

馬

都

元

塔海

董文炳

張哥亨

張弘範

中國少數民族古籍集成(漢文版)

遼金元守令錄

遼金元史

〇〇三

遼金元守令錄上卷

山陰王泮纂

劉肅

張昇

臧夢解

王結

毆陽玄

三郤中

下卷

元

呂思誠

諳郤則

林興祖

觀音奴

周自強

白景亮

盧琦

鄒伯顏

劉東直

許義夫

張養浩

秦不花

遼金元守令錄目次終

遼

太公鼎

太公鼎渤海人幼莊而好學咸雍十年登進士第調瀋州觀察判官改良鄉令省徭役務農桑建孔子廟學部民服化累遷興國軍節度副使時有隸鷹坊者以羅罽為名擾田里歲久民不堪公鼎言於上即

命禁戢會公鼎造朔大匡諭上嘉納之意公鼎曰一郡獲安誠為大幸他郡如此者眾願均其賜於天下從之

蕭文

蕭文字國華外戚之賢者也父直善安州防禦使文篤志力學喜愠不形壽隆未知易州兼西南面安撫使高陽土沃民富吏其邑者每黷於貨民甚苦之文始至悉去

去舊弊務農桑崇禮教民皆化之時大旱
百姓憂之文禱輒雨屬縣又蝗議捕除之
文曰蝗天災捕之何益但反躬自責蝗盡
飛去遺者以不食苗會靈雨不止文復隨
禱而霽高陽勒石頌之

馬人望

馬人望字儼叔穎悟幼孤長以才學稱咸
雍中第進士為松山縣令以運軍獨

從松山人望請於中京留

他邑吐渾忠下吏繫歲百

望不屈蕭喜曰君為民如此

事聞於朝悉從所請徙和涿州城縣縣

與宋接境驛道所從出人望治不擾吏民

畏愛人望有操守喜怒不形未嘗附麗求

進初除執政家人賀之人望愀然曰得勿

喜失勿憂抗之甚高齊之必醒其畏懼慎

如此

金

牛德昌

牛德昌字彥欽蔚州安定人
中皇統二年進士第調砦山薄遷萬泉令屬蒲陝
群盜充斥州縣城門盡閉德昌到官
開城門縱百姓出入時曰民苦
餓鄉遂以偷旦夕之命甚可憐也能

一不問賊皆感激解散縣境以
部吏郎侍郎中都路都轉運使

范承吉

范承吉字寵之好同學屬遊季盜賊
避地未嘗廢學天慶八年中進士丙科授
秘書省校書郎至大定府金源令尋遷昭
文館直學士知絳州先是軍興民有為將
士所掠而逃歸者承吉使吏適諭俾其自

實凡數千人具白元帥府許贖為良或貧無資者以公廚代輸

李瞻

李瞻蔚州玉田人遼天慶二年進士為平州望雲令張覺據平州數以瞻從事宗望復平州覺亡去城中復救瞻踰城出降宋王宗望嘉之承制以為興平府判官七年知寧川

遷德州防禦使為政寬平民懷

其惠相率詣京師請當者數千百人

劉敏行

劉敏行平州人登天會三年進士除太子校書郎累遷肥鄉令熾火鐵盜賊掠人為食諸縣老幼入保郡城不敢耕種農事廢畝畝荒蕪敏行白州借軍士三千獲縣民出耕多張旗幟為疑兵敏行率軍巡邏日暮則閱民入城由是盜不敢犯而耕稼滋

殖轉高平令縣城圯壞久不脩大盜橫恣掠縣鎮不能禦敏行出已俸率僚吏出錢顧役繕治百姓欣然從之版築遂完鄉村百姓入保賊至不能犯

孫德潤

孫德潤字資深興中州人也大定十六年進士調石州軍事判官涿水丞察廉遷沙河令有盜秋桑者主逐捕之盜以刃自刺其足面曰秋桑例不禁採汝何得刺我主

惧賂而求免盜不從訴之縣德潤曰苦逐捕而傷瘡必在後今在前乃自刺也盜遂引狼大安初改昭義軍節度使潞州破被執俄有拜於前者皆沙河舊民也密獲德潤由是得脫貞祐二年拜工部尚書攝御史中丞

趙鑑

趙鑑字擇善濟南章丘人宋建炎二年進

士調廬州司理參軍歷歷城丞轉長清令
皆劇邑難治而鑑改甚著大定初起為寧
海軍秋木方熟而虫生繼出行視虫乃自
死終河北西路轉運使

蒲察鄭畱

鄭畱字文叔東京路幹底必刺猛安人大
定二十年進士調高苑主簿大定初徙安
國軍二年知慶陽府事三年夏人乂邊鄭

畱擊走之至寧元年改知平原府是時平
涼新被兵夏人復來攻鄭畱昭濟卒為禦
守計夏兵退還官四階自祐四年卒鄭畱
重厚寡言笑人不見其喜愠臨終乂奏藁
尽焚之

女奚烈守愚

女奚烈守愚字仲晦本名胡里改名真定
府路吾直克猛安人也六歲知讀書性至

孝沒時年十五營葬如禮中明昌二年進
士調深澤主簿治有聲遷懷仁令改弘文
校理秩滿為臨沂令有不逞輩五百人結
為黨社大擾境內守愚下車其黨散去蝗
起芒密間獨不入臨沂境先是朝廷括河
朔山東地隱匿者沒入官告者給賞芒州
刺史教其奴告臨沂人冒地積賞錢三百
萬先給官雖乃徵於民民甚苦之守愚列

其冤狀白州州不為理即聞於 而徵
還之流民歸業縣人勒其於石改校書郎
母喪勺飲不入口三日終喪未嘗至內寢
為人忠實無華孜孜於公盖天性

石抹元

石抹元字希明懿州路胡土虎猛安人補
樞密院尚書省譯史調同知恩州軍州事
遷監察御史為同知淄州軍州事剽盜剽

奇久為民患一日捕獲方訊鞠聞赦將至
亟命杖殺之闔郡稱快改大興府判官沂
王府司馬沁南軍節度副使河南民家有
多美橙者歲獲厚利仇家夜入殘毀之主
人捕得乃以劓財誣其人仇家引服賊不
可得元攝州事竟得其情後移至濟南府
到官六月卒元生平寡言笑尚節儉居官
自守不交權要人以是稱之

趙重福

趙重福字履祥豐州人通女直大小字試
補女直浩院令史大安二年佐戶部尚書
張煒調兵食於古北口遷都水少監行西
北部六部郎中治密雲縣貞祐二年以守
密雲功遷同知河間府事河間被圍有劉
中者嘗與重福密雲縣事勸重福出降重
福不聽是時河間兵少多羸疾不任戰欲

亡去重福勸其父老率其子弟強者戰弱
者守會久兩解圍去乃遷河東北路轉運
職

武都

武都字文伯東勝州人大定二十二年進
士調陽穀主簿遷商水令縣素多盜凡姦
民嘗縱火行劫椎埋發塚者都皆廉得姓
名勝之通衢約無再犯志奔他境察廉還

南京路轉運使度支判官遷中都路都轉
運使

王浩

王浩由吏起身初調涇陽令廉白為涇輔
第一時西臺徽州縣增冬果督責嚴急民
甚被擾浩獨無所問主司將坐之浩曰是
縣所植已滿其數若欲增植必盜他人所
有取彼置此未及其利其愛民多此類所

在有善政民絲毫無所犯秦人爲立生祠
歲時思之南遷後爲扶溝令開興元年正
月氏錢大亨等執縣官送款於此大亨以
浩有恩於民不忍加办日遣所知勸之降
浩終不聽於是殺之無血其屍嚴然如生
目且不瞑鳥犬莫敢近殆若有神護者

遼金元守令錄中卷

山陰王泮纂

元

塔海

塔海總管泮梁先是朝廷令民自實田土
有司繩以峻法民多匿報塞命復差稅無
所徵民多逃竄流移塔海以弊言于朝省
民相虛糧二十二萬民賴以安後改廬州
時有飛蝗北來民患之塔海禱於天蝗乃

引去人皆以爲異民之食漸康減直俾民
糴之所活甚衆

泮曰先至正六年命選天下郡守各選
其人使其人之官皆於陛下辭聽旨諭
之曰汝守令之職如牧羊然饑也與之
草渴也與之水絲毫勞逸無失其時則
羊蕃息矣汝爲我牧此民毋使之失所
而有馮渴之患則爲良牧守矣於是見

遼金元守令錄上卷終

勵精之君未有不重守令者也

張晉亨

張晉亨字進卿冀州南宮人權知東平府事東平貢賦率倍他道迎送供億簿書獄日訟不暇結歷七年吏畏而民安之憲宗即位入覲時已銀制行朝議戶賦銀六兩諸道長吏有輒請試行於民者晉亨面責之曰諸君職在親民民之利病且不知乎

今天顏咫尺知而不言罪也承命而歸事不克濟罪當何如且三方土產各異隨其產為賦則民便而易足必責輸銀雖破民之產有不能辦者大臣以聞明日召見如其言以對帝是之乃得蠲戶額三之一仍聽民輸他物遂為定制

董文炳

董文炳字彥明以父任為橐城令同列皆

父時人輕文炳年少走亦不知憚文炳明於聽斷以恩濟威未同列束手下之抱業求署字不敢仰視里人大服縣貧重以旱蝗徵歛日暴民不聊生文炳以私穀數千石與縣縣得以寬民前令因軍興之用稱貸於人貸家取息歲倍縣以民蠶麥價之文炳曰民困矣吾當為代償乃以田廬若干畝直與貸家復籍縣間田與貧民

為業使耕之於是流離漸還數年民食以足朝廷初料民令敢隱食者誅籍其家文炳使民聚口而居少為戶數眾以為不可文炳曰後當德我由是賦歛大減民皆富完時府宗無厭文炳抑不予或澆之府府欲中害之文炳吾終不能剥民求利也即棄官去

張弘範

張弘範字仲疇字大名歲大水漂沒廬舍
租稅無從出弘範輒乞之朝廷罪專擅弘
範清入見進曰臣以朝廷儲小倉不若
若之大倉儲帝曰何說也對曰今歲水潦
不收而必責民輸倉庫雖實而民死亡殆
盡明年租將安出曷若活其民使不致逃
亡則歲有恒收非陛下大倉庫乎帝曰知
體其勿問

劉肅

劉肅字才卿威州洺水人調新蔡令先時
縣賦民以牛多寡為差民匿不耕肅至命
樹畜繁者不加賦民遂殷富潁淮民有竄
入宋境籍為兵而優其糧間有歸者頗艱
於衣食時出怨言曰不如淮告者以謀叛
論肅曰淮限宋境一水耳果欲叛不難往
也口雖言而心無準律當杖八十奏可

張昇

張昇字伯高知汝寧府民有告寄來書於
其家者踰三年取閱下禁書一編且記里
中大家姓名于上昇亟呼吏焚其書曰妄
言誣民且再更赦矣勿論同列懼皆引起
既而事聞廷議詰以擅焚書狀昇對曰備
位郡守為民父母今作誣祈免冤濫雖重
罪不避乃坐奪俸二月旁郡移文報吳

人侯亓遠者言歲直壬子六月朔日蝕其
占為兵寇歲癸丑其應在吳分野同列欲
召屬縣為備禦計昇曰此訛言久當息毋
用惑民聽眾論難之部使者舉治行為諸
郡最除紹興路總管初大饑至大間越大
饑且疫屬民死者殆半賦稅監課責里胥
代細吏並緣為姦昇白行省蠲之次例歲
輸海運糧布囊三萬民久苦之昇言麻非

越土所生海漕實吳郡事於越無與章上
卒罷之昇既謹於說文又果恤民瘼故人
心悅服

臧夢解

臧夢解慶元人授海寧知州夢解剛直廉
慎而學有淵奧自任職以來門無私謁官
蕭然凡有差役皆當其貧富而吏無所
於是民以戶計者新增七百六十有四

以頃計者新開四百四十有三桑柘榆
交陰境內而政平訟簡為諸州縣最御
史臺抗章薦之滿去已五矣年屬江陰饑
江洲行省委夢解不為文具皆躬至其地
而人給以米所活四萬五千餘人上聞除
同知桂陽路總管

王結

王結字儀伯易州定興人為順德路總管

教民務農興學孝親弟長戢奸禁暴志登
于書俾朝夕閱習之屬邑巨鹿沙河有唐
魏徵宋璟墓乃祠二公於學表其言論風
旨以勵多士改東昌路境有黃河故道而
會通堤遏其下流夏月潦水漲民麥禾結
疏為斗門以泄之民獲耕治之利

歐陽玄

歐陽玄字原功調太平路蕪湖縣尹縣多

疑獄久不決玄察其情皆為平翻貢賦徵
發及時民樂趨事教化大行飛蝗獨不入
境改武岡縣尹縣控制溪洞蠻獠雜居撫
字乖稍輒弄兵犯順玄踰月赤水太清兩
洞聚眾相攻殺玄即日單騎從二人徑抵
其地諭之至則死傷滿道戮戮未已獠人
熟玄名乘兵仗羅拜馬首曰我曹非不畏
法緣祈事於縣縣官不為直反以絲役橫

歛拊剋之乃發憤就死耳不意煩我清廉
官自來玄喻以禍福歸為理其訟僚人遂
得以安

王都中

王都中字元俞為郴州路總管郴居楚上
流谿洞徭獠往來民間憚其強猾莫敢與
相貿易都中煦之恩懾之以威乃皆悅服
郴民染於蠻俗喜鬪爭都中乃大治學舍

作籩豆簋簠簠簠琴瑟之屬使其民識先
王禮樂之器延宿儒教學其中以義理開
曉之俗為之變隣州茶陵富民覃乙死無
子惟一小妻及其贅婿妻誣其婿拜屍成
婚藏隱玉杯夜明珠株連八百餘人奉使
宣撫移其獄委之都中窮治悉得其情而
正其罪州長吏而下計其贓至十一萬五
千餘緡人以為神明還饒州路總管年餼

米價翔踊都中以官倉之米定其價為三
等言於行省以為須糴以下等價民乃可
得食米報又於下等價減十之二使民就
糴時宰怒其專擅都中曰饒去杭幾二千
里比議定往還非半月不可人七日不食
則死安能忍死以待乎其民亦相與言曰
公為我輩減米價公果得罪我輩當弔妻
子以代公償時宰聞之乃罷父老或以兩

岐之麥六穗之禾為獻都中曰此聖主之
嘉瑞非臣下所敢當遂以聞于朝以內憂
去郡民生為立祠

遼金元守令錄中卷終

遼金元守令錄下卷

山陰王泮纂

元

呂思誠

呂思誠字仲實景州脩縣尹差民戶為三等內其徭役刻孔子像令社學記事每歲春行田樹畜勤敏者賞以農器人爭趨事地無遺力民石安兒等流離積平至是聞風復業印識文簿昇社長藏之季月報縣

不孝弟不事生業者悉書之罰其贖作天曆兵興豫貸鈔於富民令下造軍器事皆先集民用不擾于後得官價亟以還民社民李愬其弟匿羊思誠叱之返王青兄弟四人反愛彌篤思誠至其家取酒勸酬惟同骨肉李之兄弟相謂曰我等終不敢見尹矣各具酒食相切責悔前過析居三十年復還同爨鎮民張復叔母孀居且瞽丐

食以活恐思誠聞之即日迎養縣多淫祠動以百餘計刑牲以祭者無虛日思誠恚命毀之唯存江都相董仲舒祠

干文傳

干文傳字壽道為烏程令有富民張乙之妻王無子張納一妾於外生子未晬王誘妾以兒來尋逐妾殺兒焚之文傳聞而發其事得死兒餘骨王厚賄妾之父母買隣

兒為妾所生文傳令妾抱兒乳之啼哭不就乳乃呼隣婦至兒見之躍入其懷乳之即飲王遂伏辜丹徒縣民有二弟共殺其姊者而獄久不決浙西廉訪司俾文傳鞠之既得其情其母乞貸二子命為終養計文傳謂二人所承有輕重以首從論則為首者當死司官從之陞婺源知州婺源之俗男女婚聘後富則渝其約有育其女至